

տեսական զարգացման հաջողությունները, պատգամավորները ասել են. «Սովետական Հայաստանը մեծ առաջադիմությամբ է հասել նաև լուսավորության, գիտության, արվեստի և գրականության բնագավառում: Երկրում, որտեղ առաջ բնակչության միայն 15 տոկոսն էր գրագետ, ներկայումս անգրագիտությունը ամբողջովին վերացված է»: Պատգամավորները նշել են այն խոշոր դերը, որ հայերը խաղացել են Սովետական Միության Հայրենական պատերազմում:

Պատգամավորները նշել են, որ Ազգերի լիգան ընդունում էր հայերի իրավունքները Թյուրքիայի կազմի մեջ մտնող հայկական նահանգների նկատմամբ: «Բոլոր հայերը և առհասարակ ամբողջ քրիստոնեական աշխարհը, — ասված է հայտարարության մեջ, — համատարած են, որ ամերիկացիները հավատարիմ կմնան Վիլսոնի տրադիցիաներին և անկեղծորեն կաջակցեն հայ ժողովրդի արդարացի պահանջներին նրա պատմական հողերի վերադարձմամբ»:

Պատասխանելով հարցերին՝ պատգա-

մավոր Չանկալյանը, որը հանդիսանում է ամերիկյան բանակի պաշտոնաթող կապիտան և գործարար շրջանների ականավոր ներկայացուցիչ, գովաբանել է ժողովրդային ամենադեմոկրատական ժողով և բարձր գնահատական է տվել Սովետական կառավարության հյուրընկալությանը: Պատգամավոր Թերզյանը, որը հանդիսանում է «Ամերիկայի Հայկական Ազգային Խորհրդի» նախագահ, հայտարարել է, որ խորհուրդը մտադիր է ամբողջ երկրում կամպանիա անցկացնել Թյուրքիայի կազմի մեջ մտնող հայկական բոլոր տեղիտորիաները Սովետական Հայաստանին վերադարձնելու համար: Պատգամավորների խորհրդի փոխնախագահ Սելյանը Թյուրքական տիրապետության տակ դռնվող հայերի աղետալից դրությունը հակադրել է Սովետական Հայաստանի բնակչության վիճակին:

(«Սովետ. Հայաստան», 23 հոկտ., 1945 թ., № 226)

ՏԵՍԱԿՑՈՒԹՅՈՒՆ ԳԱԼՖԱՅԱՆ ՍՐԲԱԶԱՆԻ ՇԵՏ

Առիթն ունեցանք, տեսակցելու Կալիֆորնիայի Առաջնորդ Մամբրե Էպիսկոպոս Գալֆայանի հետ, որը վերադառնալով Կալիֆոռնիական ընտրությունից աչժմ ստացել էր նորընտիր Հայրապետից արքեպիսկոպոսության տիտղոս: Նրան ընկերակցում էին Կալիֆորնիայի Տ. Կարապետ քահանայապետը և պ. Առաքել Յազճյանը: Գալֆայան սրբազանը Միացյալ Նահանգներից մեկնել էր Ս. Էջմիածին Նյու-Յորքի պատգամավորների հետ միասին՝ Տիրան ծայրագույն վարդապետ Ներսոյան, որը կաթողիկոսական ընտրությունից հետո Էպիսկոպոսության աստիճան ստացավ, Սիմոն ծայրագույն վարդապետ Մանուկյան, որը նույնպես Էպիսկոպոսության աստիճան ստացավ, Հ. Բ. Ը. Միության Նյու-Յորքի կենտրոնական վարչության փոխատենապետ պ. Հայկ Քավուբջյան և կապիտան Զիմ Չանկալյան, Նյու-Յորքի հյուրապատգամավորներ, ազգային խորհրդի անդամներ՝ պ. Պետրոս Թերզյան՝ ատենապետ և «Լրաբեր» թերթի խմբագրապետ, պ. Պարիկ Սելյան՝ փոխ ատենապետ ազգային խորհրդի:

Մենք մի շարք հարցումներ ուղղեցինք

սրբազան հորը, որոնց պատասխանեց խիստ սիրալիր:

Հ. — Ի՞նչպես ընդունեցին ձեզ Խորհրդային Հայաստանում:

Պ. — Մեր նավը Օդեսա պիտի երթար, բայց Քոնստանդա ելավ, ուր Սովետ Միության ներկայացուցիչը մեզ համար հոգաց մասնավոր ձեպընթաց Բուքրէշ մեկնելու համար: Հիանալի ընդունելություն, ցույց տրվեց մեզ Բուքրէշում Սովետական Միության ներկայացուցիչ Դոնգուլովի կողմից, որն ամեն կերպով հեշտացրեց մեր ճամբորդությունը: Նա հատուկ ստվառակով մեզ առաքեց Երևան: Երևանում ամեն կարգադրություն եղել էր արդեն և մեզ ընդունեցին զրկաբաց:

Հ. — Քանի՞ պատգամավորներ կային:

Պ. — 112 պատգամավորներ ներկա էին արտասահմանյան բոլոր թեմերի կողմից — բացի Իրաք:

Հ. — Ի՞նչպես եղավ ընտրությունը և օծման հանդեսը:

Պ. — Ընտրությունը տեղի ունեցավ հուլիս 22-ին, ուրբաթ, կեսօրից հետո: Իսկ օծումը 24 հունիսին մեծ հանդիսավորությամբ: Միաձայնորեն ընտրվեց հայոց

Հայրապետ Գևորգ Արքեպիսկոպոս Գեորգե-
շյան:

Հ.— Ի՞նչ տրամադրության մեջ է Մայր
Երկրի ժողովուրդը:

Պ.— Ընդհանուր առմամբ ժողովուրդը
շատ խանդավառված է, տեսնելով, որ եկե-
ղեցին գրավում է իր բարձր դիրքը: Շատ
գոհ է որ Գևորգ Ե-րդի պես դիվանագետ,
կարող մի անձ Հայրապետական աթոռի
վրա է: Շուտով կբացվի Գևորգյան ձեմա-
րանը առաջիկա սեպտեմբեր ամսին: Ար-
դեն ունի 40 սաներ, որոնցով առա-
նահանջան և Մայր Երկրի թեմերի համար:

Հ.— Ի՞նչ տպավորություններ ունեցաք
Հայաստանում:

Պ.— Իմ տպավորությունը հեացմունքից
դատ ուրիշ բան չէ, քանի որ միայն 25
տարվա մեջ դուրս գալով 600 տարիների
ավերակներից, պետք է խոստովանենք, եր-
բեք չենք ունեցել նման մի շքեղ զարգա-
ցում: Մենք այնտեղ տեսնում ենք օպերան,
ակադեմիան, արվեստագետներ և այլն:
Պետք է շեշտել, որ երիտասարդ սերնդի
մեջ բազմաթիվ են երկսեռ գիտնականներ
և հատկապես իգական սեռը քիմիայի,
բժշկության և այլ ճյուղերի մեջ: Այս բո-
լորը ցայտուն ապացույց են տալիս Հա-
յաստանի հիասքանչ վերելքի:

Հ.— Ի՞նչ է ձեր կարծիքը Ամերիկայի
Ազգային Խորհրդի դեկլարացիայի մասին:

Պ.— Մենք բոլորս կողմնակից և համա-
ձայն ենք այդ դեկլարացիային և որը շատ
լավ ընդունելություն գտավ Մայր Հայրե-
նիքի աշխատավորության կողմից:

Հ.— Ի՞նչ պիտի լինի գաղութահայության
դիրքը այս պարագային:

Պ.— Ամերիկահայությունը միշտ ի հայտ
է եկել բարոյական և նյութական աջակ-
ցություններով: Ամենագլխավորը նոր սե-
րնդի մեջ հայրենասիրությունը վառ պա-
հելու աշխատանքն է, որ հետապնդվում է և
պիտի հետապնդվի և մենք հավա-
տում ենք, որ առանց խտրականու-
թյան, առանց դանազանության ամեն
հայ պիտի բոլորի Սովետ Կառավարության
շուրջ և իր բարոյական և նյութական ա-
ջակցությունը անվերապահորեն տրամադրե,
որպեսզի մեր ապագա ցեղի համար ապա-
հովենք մեծ ընդարձակ մի հայրենիք: Հայ

ազգը այսօր պետք ունի իր բոլոր զավակ-
ների միություն և համագործակցություն:

Հ.— Ի՞նչքան է հայության թիվը Կալի-
ֆորնիայում և ի՞նչ է նրանց վիճակը:

Պ.— Ամբողջ Կալիֆորնիայում 40—50.000
հայեր կան: Ֆրեզնոյում նրանց թիվը հաս-
նում է 7—10.000-ի, բոլորն էլ լավ պայ-
մանների մեջ են: Նրանք առևտրականներ
են, ագարակապաններ, մեծ թվով տարված
են պատերազմի դիմադրական տշխատանք-
ներով, ունեն պահածոների, գինու, չոր
պտուղների գործարաններ: 1931—1933-ի
շրջանում Ֆրեզնոյի շրջակայքի հայությու-
նը գրեթե ամեն ինչ կորցրեց. սակայն
վերակենդանի իր աշխատանքը հասավ շատ
կայուն ու բարձր դիրքի. այսօր բոլորն էլ
գրեթե կալվածատերեր են: Ֆրեզնոյում ու-
նենք 2 շաբաթաթերթեր, «Նոր օր» և «Աս-
պարեզ»:

Հ.— Սրբազան հայր, ե՞րբ եք մեկնելու:

Պ.— Անշուշտ երկար չի պիտի մնայի,
սակայն ինձ հյուրասիրող պատվական բա-
րեսիրտ Ռոման Իսաբվը, որը ձեր արժա-
նավոր պատգամավորն էր կաթողիկոսա-
կան ընտրության և որը նորընտիր հայրա-
պետի կնքահայրն եղավ ու արժանացավ
Իրիգոր Լուսավորչի առաջին աստիճանի
շքանշանին, մի մեծ պատիվ՝ մանավանդ
որ նրանից առաջ այդ շքանշանը հաստա-
տելու օրից մինչ այժմ միայն երկու հոգի
էին ստացել և ինքը երրորդ անձն էր, իր
պես միլիոն թուման արժող փառապանծ
եկեղեցին լրացրել է և կիրակի 15 հուլիսին
պիտի օծվի Կիլիկիո Կաթողիկոսի, Երու-
սաղեմի Պատրիարքի և այլ առաջնորդներու
ներկայությամբ, սիրով և ուրախությամբ
մնացել եմ, որ մասնակից լինեմ այդ օծ-
ման փառահեղ ծիսակատարության: Եվ
մեծապես զգացված եմ ու շնորհակալ պ.
Ռոման Իսաբվի այսքան սրտաբաղ հյուրա-
սիրությունից: Օծումից անմիջապես հետո
պիտի մեկնեմ:

Հ. Գ.

Շնորհակալություն հայտնելով նորի՝
Սրբազնության իր տված տեղեկություն-
ների համար մեկնեցինք խիստ լավ տպա-
վորություններով:

(«Վերածնունդ» հուլիս, 1933—1934):